

hlahlatungua papu'u ahlaina

ahla'amisana, alalalangihlu tatavuhlu'uaka hlahlatunguaisa ka papu'u
ahlaina, mavacanguka tapau tavahlihla, maisanaka tapu'ai miapipihlihli
mahuavacavacanguka hlilumuka, karukuhlua papu'u ahlainana uakikirimi
ihlahlamu muriturua apaiatuhluhlu hlahlatunguaisa.

maci miungu hlahlatungua, maisana hlimilavauna tapiaili tapiaili
matisasangala tapu'ai, makuvaaua papu'u ahlainana: maiatuhluhla
hlatungikuna! kumitaaku hlatungumaipaputu rianu pihlivu'u, rahlunguisa
rianicutatahlurua, pahlumiamiaisa ia apatakuatitipacu ramucu hlamuna.

maiatuhluhluaku maimahlumahlungu kumita aucaucani rahlungu,
kumita ini italuvunguka kuli'i hlatungu, kani'i ta'iarana ia tumua pacanicani
ta'iaraisaka, macahlia kulihlatunguna kuapautuahlangi ihlaisesa apautua
rahlunguhlatungu, amihla papu'u ahlainana: mavacangumana vulaihlimu,
iniciki tuahlu pautuhlangi takuamiaisa hla kana'ana! macuaku taratuahlu ia,
pasakulaiku papapaci, takungahlu rumahlau, taiamu'ai matihlimiiungu,
maiatuhluhlu hlipasalangulangua papu'u lumumuku hlatunguna, tam
puavahlia papu'una ihlahlamu.

kicunguhlu, miaturua papu'una, hlimatavararu supuhlu sasauvuhluna,

amihla: paingururu'ai mavavurau sasauvuhluna! kitasasauvuhluna tataisa
hla matatavuhliu, atuhlungu angalahlaku sasauvuhlu hliangurara 'asaru,
masasangaru mangungururu, pilumulumua hlimilavauna, makutaisa
makuvau " tam sa'au " usuanganaiau kucutasukura mangalaisa kualualucu,
mutusasuacuaku papu'una macaca.

papu'una umala tukusu pukua hlatungu, pakuri vuusu sahlumu maini
hla pakurimasaihla, apahlapauisa pakurisapasapa mavacangu, tam tuaua
pukakua hlatunguna, amiaku papu'una putahlamaku pukua, tumatuturua
papu'u ihlaku, umaru taumurahla miamutumatungusu tukusu,
arupanguhluva sahlumu kurivusua sahlumu kurikakuahlimilavau, tarauria
kana'ana, macacacuka ihlaku, umuhliahlimilavauna umala mumua tukusu
pakurivuusu ihlaku, ulavahlamu rianicuamu matarungaru, papu'una
macacaca amihla: parucarucakicumu inamu maci puaili salia!

tuahlu maru hlahlatungua papu'u tumaluluvu matisangala
kuli'i, parisasauvuhlu 、pukua hlatungu, tam masasangaru,
sia'u'uraisamana papu'u lumumuku hlatungu pau ihlahlamu, amihla
ina'ana, hlatunguisa papu'una paravahlavau hla mataingala sa'au.

(文章大意 僅供參考) ※字數限 200 字

阿嬤的菜園

阿嬤常找我和弟弟當園丁。每顆高麗菜的葉子都坑坑洞洞，表示我們要大展身手。菜蟲會把自己當成菜葉的一部份，還好我們眼睛好，抓到近百隻！阿嬤說把紅番茄摘下來，看著大又紅的蕃茄，想到蕃茄炒蛋，我摘了好幾顆，弟弟先吃了起來。拿水管澆菜，水噴的又細又遠，好有趣，我一下子水噴到弟弟，弟弟也拿水管噴我，最後都成了落湯雞。

在阿嬤的菜園裡幫忙抓蟲、採蕃茄、澆菜，很開心，謝謝阿嬤種菜給我們吃，健康又好吃。